

gregationem Consistorialem authenticum exemplar actus peractae executionis.

Datum Romae, ex Aedibus Sacrae Congregationis Consistorialis, die 25 octobris 1965.

CAROLUS Card. CONFALONIERI, *a Secretis*

L. M S.

© Franciscus Carpino, Archiep. tit. Serdicens., *Adessor*

SACRA CONGREGATIO RITUUM

DECRETUM

De editionibus librorum liturgicorum

Cum, nostra aetate, novae librorum liturgicorum editiones, praesertim cum textu populari, ubique fere parentur, opportunum videtur sequentes praebere normas, quibus in tuto ponatur dignitas et decus librorum liturgicorum, ita ut, iuxta pervetustam Ecclesiae traditionem, cultui divino perfectiora ingenii humani opera offerantur, et exinde fideles ad debitam sacrarum rerum venerationem excitentur.

1. Librorum liturgicorum, unum textum latinum referentium, ea dicitur « editio typica », quae Typis Polyglottis Vaticanis ex decreto S. Rituum Congregationis edita fuerit.

Librorum vero liturgicorum editio, quibus popularis interpretatio, aut cum textu latino vel sola continetur, pariter dicitur « editio typica » quae, cura Coetus Episcoporum, in qualibet Natione evulgatur. Decretum autem quo huiusmodi editio (« typica » declaratur, datur a Praeside Coetus Episcoporum aut, de eius mandato, a Praeside Commissionis liturgicae nationalis. In eodem decreto mentio fiat de confirmatione textus ab Apostolica Sede concessa.

2. Ad ius quod attinet editiones « iuxta typicam » apparandi :

a) id ad libros excudendos, qui unum textum latinum referunt, iis reservatur Editoribus, qui diplomate Pontificio gaudent;

o) ad libros vero edendos, qui simul textum latinum et popularem, aut unum textum popularem continent, idem ius a Coetu Episcoporum cuiusque Nationis iis Editoribus, quos ipse Coetus maluerit, tribui potest.

3. Praestat ut in qualibet Natione Coetus Episcoporum, ratione habita tum praescriptorum legis civilis tum consuetudinum in Natione

vigentium pro libris edendis, statuat quinam sint Editores, quibus munus committatur edendi libros cum textu populari, usui liturgico destinandos.

4. Librorum, qui usui liturgico destinantur, mensura, ornatus et universa imprimendi ratio ea sint, quae in decorem et reverentiam, libris liturgicis debita, cedant.

5. Editiones Missalis et Breviarii, quae usui liturgico inserviunt, et interpretationem popularem exhibent, ad normam nn. 57 et 89 Instructionis huius S. R. O. diei 26 sept. 1964, textum quoque latinum contineant oportet.

Eadem norma servetur ad Pontificalis romani editiones quod attinet.

6. Popularis interpretatio textui latino apponatur iis tantum partibus, quae, ex decreto Coetus Episcoporum, lingua vernacula proferri possunt.

7. Breves admonitiones, a sacerdote vel competenti ministro dicendae (cf. *Const. de sacra Liturgia*, art. 35, 3), quae aliquando nonnullis partibus sacrorum rituum opportune praemittuntur, bene a textu liturgico distinguantur.

S. Ut Editor ad libros usui liturgico destinatos imprimendos procedere possit, debet:

a) si agitur de libris unum textum latinum praebentibus, singulis vicibus licentiam obtinere ab hac S. Rituum Congregatione, simulque cum Administratione Bonorum S. Sedis conventionem inire de condicionibus ad publicam horum librorum divulgationem spectantibus ;

b) si agitur de libris textum latinum simul cum textu populari, aut unum textum popularem, referentibus, licentiam obtinere a Praeside Coetus Episcoporum, simulque cum eo de condicionibus pro publica horum librorum divulgatione conventionem inire, tum pro parte quae ad Administrationem Bonorum S. Sedis, pro textu latino, spectat, tum pro parte quae ad ipsum Coetum Episcoporum, pro textu populari, pertinet.

9. Concordantia cum editione typica, tum pro textu latino tum pro textu populari, ab Ordinario loci, iuxta can. 1390 C. I. C, concedenda, ne subscribatur nisi post diligentem atque accuratam revisionem.

10. Normae huius decreti, salvis iis quae n. 5 dicuntur, respiciunt editiones usui liturgico destinatas Breviarii romani, Missalis romani, Ritualis romani, Pontificalis romani, Martyrologii romani et Caeremo-

nialis Episcoporum necnon libros cantus gregoriani, sive de integro libro, sive de eius tantum parte agatur.

11. Ut autem centrum habeatur, apud quod possibile sit plenam seriem invenire omnium textuum liturgicorum, qui in universo orbe usu veniunt, E*mi Coetuum Episcoporum Praesides :

a) Consilio ad exsequendam Constitutionem de sacra Liturgia significant nomina Editorum, quibus munus commissum fuerit liturgicas editiones apparandi ;

b) curent autem ut editionum liturgicarum, quae in eorum dictione evulgantur, duo exemplaria ad Secretariam eiusdem Consilii mittantur.

Praesens Decretum, a S. Rituum Congregatione et a Consilio ad exsequendam Constitutionem de sacra Liturgia paratum, Summus Pontifex in Audientia die 27 ianuarii 1966 Emo Card. Arcadio M. Larraona, S. R. C. Praefecto, concessa, approbavit et auctoritate Sua confirmavit et publici iuris fieri iussit, ab iis ad quos spectat fideliter servandum.

Contrariis quibuslibet minime obstantibus.

Romae, die 27 ianuarii 1966.

IACOBUS Card. LERCARO
Archiepiscopus Bononiensis
Praeses Consilii ad exsequendam
Constitutionem de sacra Liturgia

ARCADIUS M. Card. LARRAONA
S. R. C. Praefectus

Ferdinandus Antonelli
S. R. C. a Secretis

SACRA CONGREGATIO DE SEMINARIIS ET STUDIORUM UNIVERSITATIBUS

DECRETUM

Studium Theologicum « Augustinianum » in Urbe Facultati Sacrae Theologiae Pontificiae Universitatis Lateranensis aggregatur, facta Facultati potestate conferendi per Studium gradus academicos Baccalaureatus et Licentiae Sacrae Theologiae.

Summi divinae gratiae Doctoris filii nihil unquam antiquius habuerunt quam orationi instantes ita Deo internoque homini studere ut mentem superna luce ditando in invisibilium amorem raperentur. Quamobrem Studium Generale Ordinis Fratrum Sancti Augustini, alacriter